

# mainatges d'òc **PLUMALHON**

(5,70 €)



**Pòl-Emili**

**Cuba**

*Per las carrièras, vesètz de veituras que datan de las annadas cinquanta.*

ISSN 1264-6733



**Gorrin e Pipaut**



# Lo reipetit

Aquel aucèl a mai d'un nom en chò nòstre : reipetit, reipichon, reicochet, reiet, o chorra. Es un aucèl pichon que fa pas mai de 10 cm de long e que pesa un pauc mai d'un desenat de gramas. Se'n tròba en Euròpa, en Asia, en Africa del Nòrd e en America.

Tèxte e fòtos Fred Lavail

Lo reipetit demòra dins las paretz de pèira o pels randals. Cèrca tostemps un endrech qu'i se pòsca engulhar e rescondre coma una mirgueta.



La prima, a la sason de las amors, lo mascle a plan trabalh. Bastís dos o tres nises. Los fa totjorn en un endrech ont los poiràn pas veire. Los rescond entremièg doas pèiras d'una paret, dins un randal espés o per un botigàs. Fa lo nis coma una pauma, amb de mossa e d'èrba.

Prepausa sos nises a las femèlas que faràn doas coadas entre lo mes d'abrial e de julhet. Cada còp, la femèla deu coar de cinc a uèch uòus. Coa de doas a tres setmanas perque los pichòts espeligan. Après, los cal apasturar, plan segur.



Un còp lo nises bastits, lo reipetit se cèrca una femèla. Se pòt que ne tròbe mai d'una.



Lo reipetit es un aucèl que viu sol. Lo veiràs sovent que furga per las fuèlhas mòrtas. Es coma una mirgueta. Furga aital per s'avidar. D'en primièr, manja d'insèctes e d'aranhas.

